

事物紀原下卷總目

卷六

橫行武列部

節鉞帥漕部

京邑館閣部

東西使班部

撫字長民部

會府臺司部

卷七

庫務職局部

真壇淨社部

道釋科教部

州郡方域部

靈宇廟貌部

伎術醫卜部

卷八

舟車帷幄部

歲時風俗部

什物器用部

宮室居處部



城市藩禦部

卷九

農業陶漁部

吉凶典制部

戎容兵械部

卷十

軍伍名額部

布帛雜事部

蟲魚禽獸部

酒醴飲食部

博奕嬉戲部

戰陣攻守部

律令刑罰部 附胥吏公事

草木花果部

事物紀原下卷總目

事物紀原下卷目錄

第六卷凡六部共一百七十六事

橫行武列部第二十八凡二十一事

內客省使

客省使

引進使

四方館使

閣門使

帶御器械

通事舍人

閣門祇候

樞密承旨

延福宮使

景福宮使

宣慶使

宣正使

昭宣使

內殿承制

內殿崇班

供奉官

左右侍禁

左右殿直

三班奉職

三班借職

東西使班部第二十九凡三十七事

諸使

皇城

翰林

| | | |
|----|------|------|
| 尚食 | 御厨 | 軍器 |
| 儀駕 | 弓箭 | 尚衣 |
| 綾錦 | 八作 | 牛羊 |
| 香藥 | 權易 | 氈毯 |
| 鞍轡 | 酒坊 | 法酒 |
| 醫官 | 宮苑 | 騏驎 |
| 內藏 | 左藏 | 作坊 |
| 莊宅 | 六宅 | 文思 |
| 內園 | 洛苑 | 如京 |
| 崇儀 | 西京左藏 | 西京作坊 |
| 染院 | 禮賓 | 供備 |
| 教坊 | | |

節度帥漕部第三十一凡二十三事

| | | |
|----------------|-----|-----|
| 節度 | 留後 | 觀察 |
| 防禦 | 團練 | 宣撫 |
| 安撫 | 經略 | 招討 |
| 總管 | 幕府 | 館接伴 |
| 發運 | 發副 | 轉運 |
| 運副 | 運判 | 府提點 |
| 提刑 | 將領 | 都監 |
| 監押 | 陵臺令 | |
| 撫字長民部第三十一凡三十八事 | | |
| 留守 | 州牧 | 府尹 |
| 都督 | 刺史 | 知州 |

| | | |
|----|----|----|
| 通判 | 勸農 | 河隄 |
| 簽判 | 判官 | 推官 |
| 書記 | 支使 | 軍判 |
| 軍巡 | 參軍 | 錄事 |
| 功曹 | 倉曹 | 戶曹 |
| 兵曹 | 法曹 | 士曹 |
| 司理 | 文學 | 教授 |
| 縣令 | 知縣 | 縣丞 |
| 主簿 | 縣尉 | 都廂 |
| 別駕 | 長史 | 司馬 |
| 醫學 | 助教 | |

京邑館閣部第三十二凡三十三事

| | | |
|-----|-----|------|
| 京師 | 京城 | 門名 |
| 保康門 | 坊名 | 大內 |
| 西京內 | 西京殿 | 南京殿 |
| 龍圖閣 | 天章閣 | 寶文閣 |
| 資善堂 | 繼聖堂 | 學士院 |
| 史館 | 昭文館 | 集賢院 |
| 秘閣 | 起居院 | 四方館 |
| 待漏院 | 皇城司 | 內東門 |
| 合同司 | 御藥院 | 內藏庫 |
| 左藏庫 | 奉宸庫 | 御殿素廚 |
| 金水河 | 五丈河 | |

會府基司部第三十三凡二十六事

京邑館閣部

門下省

中書省

鳳池

尚書省

都省

南省

御史臺

臺門

栢臺

烏府

九寺

秘書省

殿中省

國子監

少府

將作

軍器

都水

太史局

太醫局

入內省

內侍省

進奏院

檢院

鼓院

軍頭司

第七卷 凡六部共一百八十二事

庫務職局部第三年四凡二十八事

水井務

圖畫局

國信所

燒朱所

寺務司

騏驎院

估馬司

糧料院

專勾司

北排岸

朝服庫

裁造院

雜買務

雜賣務

懷遠驛

文思院

二八作

箔場

二寔務

弓弩院

皮剥所

店宅務

外物料庫

水磨務

金耀門書庫

綾錦院

布庫

二染院

州郡方域部第三十五凡二十九事

路

府

州

縣

郡

鎮

鄉

關

驛

急遞

貧子院

鼓樓

阡陌

地里

里路

封堠

儀制令

地名

山川名

地圖

弓手營

浮橋

温湯

真壇淨社部第三十六凡三十二事

道觀

景靈宮

上清宮

東太一

西太一

中太一

建隆觀

集禧觀

池園

禮泉觀

萬壽觀

天慶觀

僧寺

尼寺

寺額

相國寺

景德寺

興國寺

傳法院

四大寺

建隆寺

崇聖寺

慈孝寺

開寶寺

崇夏寺

應天寺

啓聖院

普安院

奉先寺

資聖院

崇真院

印經院

靈宇廟貌部第三十七凡二十六事

靈顯王廟

顯聖王

廣濟王

英顯王

新息王

廣惠王

顯應王

順濟王

英烈王

德安公

顯應公

炳靈公

明應公

靈惠公

靈濟公

昭應公

嘉應侯

靈惠侯

東嶽諸祠

晉濟廟

靈澤廟

顯靈廟

靈惠廟

靈源廟

豐寶廟

主祠

道釋科教部第三十八凡四十五事

道釋

符籙

金寶牌

道士

道錄

都監

首座

鑒義

道官

道封

道贈

道監

道號

道紫

佛像

佛塔

佛經

譯經

談禪

讚嘆

戒律

戒壇

受戒

尼壇

尼戒

僧

尼

稱釋

度牒

空名

僧隸

僧帳

僧講

尼講

僧謚

道林謚

明覺謚

僧封

僧贈

僧官

僧錄

僧號

僧紫

僧褐

筆受

伎術醫卜部第三十九凡二十二事

伎術

醫

醫書

方書

小方

難經

本草

百藥

九鍼

卷之六

明堂

醫獸

日者

卜

筮

三式

占歲

雜占

靈基

畫

射御

規矩

百巧

第八卷 凡五部共一百七十二事

舟車帷幄部第四十凡三十六事

舟

筏

車

小車

檣子

兜子

簾

牀

胡床

帳幄

帳幕

幔

屏風

拂廬

虎枕

被

氈

褥

席

簟

几

杖

案

匱

嬾架

積食

博山

香毬

鑪

熨斗

燈檠

手中

布袋

傘

雨傘

薰籠

什物器用部第四十一凡四十六事

什物

漆器

博

四樽

三爵

三鼻

三勺

簋簋

俎

豆

籩登

鼎

水罐

鉢

杯

注子

唾壺

羽扇

如意

匙

飯帚

鑿

牋紙

甌

鈔

盤

偏提

鏡

扇

竈

箸

斧

秤

盆

杓

盤盞

托子

鏡臺

輪扇

金甌

箕帚

紙

墨硯

歲時風俗部第四十二凡四十二事

土牛

桃版

捶糞

爆竹

觀燈

紫姑

子推

禁火

蚕市

艾人

綵符

春幡

挑符

畫雞

綵花

放燈

放楔

寒食

拜掃

紙鸞

五綵

遺扇

綵燕

鍾馗

書幣

綵勝

放夜

教池

秋千

破散

競渡

百索

乞巧

穿針
菊酒
賽神
文身

孟蘭
登高
設浴

水陸
藥市
驅儻

宮室居處部第四十三凡二十三事

宮
堂
邸
閣
屋
廟
廡

室
觀
第
庭
房
庫
廡

厨
厠

殿
宅
樓
廊
序
倉
巷

城市藩柵部第四十四凡二十四事

城
郭
井
階
堦
瓦
臺
樹
砌
臺

門
坊
折
檻
石
礎
埽
亭
園
園

市
墻
鳴
尾
鋪
瓦
藩
籬
池
圃

第九卷凡六部共一百八十二事

農業陶器部第四十五凡二十六事

田畝

田業

耕

種

梭梨

碾

碓

水車

織

漁

羅

耒耜

鋤

磴

杵臼

蚕絲

陶

釣

網

犁

鎌

磨

春

機杼

冶

獵

酒醴飲食部第四十六凡二十九事

五穀

酒

小園

穀食

蠟茶

京饊

醴酪

龍茶

石乳

炙

煮食

飯

麥饊

餅

湯餅

鹽藏

炮

食熟

粥

糗

胡餅

不托

藏水

華物

食卵

饊

饅頭

蒸餅

黃兒

吉凶與制部第四十七凡四十事

嫁娶

東林

婦人拜

喪服

撒豆穀

五姓

主改適

五服

跨馬鞍

媒

喪紀

母服

慈母服

易月

舍楹

面帛

明衣

糧罌

棺槨

銘旌

桐人

明器

寓錢

嬰

挽歌

方相

懸頭

碑碣

神道碑

葬埋

合葬

塚墓

墓誌

石羊虎

謚

婦人謚

后謚

主謚

起復

忌日

博奕嬉戲部第四十八凡三十事

圍碁

手談

蹴鞠

投壺

彈

陸行

彈碁

投子

博瀡

買鬼

象戲

彩選

鬪雞

鬪草

鬪牛

戲場

角觚

俳優

傀儡

百戲

舞輪

高絙

水戲

影戲

噴拳

合生

吟叫

生花

打麥

杆歌

戎容兵械部第四十九凡三十六事

五兵

黃鉞

牙旗

衣甲

抹額

兜鍪

| | | | | | | | | | | | |
|----|---|----|-----|----|-----|-----|---|-----|----|----------------|----|
| 干戈 | 刀 | 馬槊 | 弩 | 箭筒 | 斬馬刀 | 五方旗 | 角 | 鞍轡 | 盾 | 戰陣攻守部第五十一凡二十一事 | 兵法 |
| 劍 | 槍 | 匕首 | 神臂弓 | 射的 | 六毒藥 | 鉦 | 鞞 | 鞭 | 傍排 | 戰爭 | 陣列 |
| 戟 | 矛 | 弓矢 | 弓袋 | 鳴鏑 | 旗幟 | 鐸 | 鞞 | 鐵蒺藜 | 柝 | | |

| | | | | | | |
|----|----|----|----|----|----|---------------|
| 陣圖 | 殿後 | 水攻 | 營壘 | 礮石 | 戍邊 | 第十卷凡五部共一百六十二事 |
| 傳令 | 伏兵 | 京觀 | 樓櫓 | 戎車 | 出軍 | |
| 先鋒 | 火攻 | 烽燧 | 雲梯 | 戰舟 | 避僧 | |

軍伍名額部第五十一凡四十五事

| | | | |
|----|----|------|------|
| 軍兵 | 遞兵 | 指揮使 | 御龍等直 |
| 禁兵 | 等樣 | 都頭 | 捧日鋸直 |
| 涅面 | 忠佐 | 殿前諸班 | 天武 |

龍衛

神衛

神勇

捧日

小底

步直

殿虎

步虎

神衛水軍

虎翼水軍

驍捷

効順

懷恩

雄武

克寧

歸聖

保捷

廣捷

忠勇

崇武

振武

神銳

忠敢

奉先

寧朔

清衛

寧海

定功

崇節

建威

平河

帶甲剩員

剩員

律令刑罰部第五十二凡二十六事

律

令

律疏

刑

獄

臺獄

囚

赦

斬屠

五刑

絞

斬

配

加役流

流

徒

笞杖

折杖

杖制

桎梏

枷重

梟首

贖

銅身

除名

免官

堂後官

主書

主事

都事

令史

書令史

教練

鎮將

布帛雜事部第五十三凡三十七事

布帛

五綵

錦

繡

纈

錢

金玉

大錢

鐵錢

錢文

錢陌

允使

蹻墊

甲跡

火

燈

法燭

針

繩

沐浴

木人

金人

流枉

銘

華表

書函

土龍

童謡

樓羅

稱漢

無恙

不下驢

麻胡

姬妾

奴婢

模稜

墜子

草木花菓部第五十四凡二十九事

占稻

胡麻

波稜

胡葵

大蒜

諸葛菜

蘭香

苜蓿

牛尾蒿

金錢花

牡丹

一捻紅

劉寄奴

何首烏

羊負來

麋銜

鹿活草

丁公藤

威靈仙

史君子

訶子

山藥

牽牛

安石榴

葡萄

橘奴

金桃

胡桃

萍藻

蟲魚禽獸部第五十五凡一十七事

玄駒

齊女

膾殘

烏賊

嬾婦

彭越

啄木

逃河

精衙

杜宇

婆餅

野鷄

伯勞

右軍

衙子

馬齒

謝豹

事物紀原下卷目錄終

事物紀原集類卷第六

凡六部共一百七十六事

鄉貢進士閻敬校正

橫行武列部第二十八凡二十一事

內容省使

唐初諸功臣傳往往有內容省之語而今有內容省使蓋唐所置也

客省使

漢有公車司馬令掌天下上章四方貢獻闕下蓋唐客省之職也唐會要曰永泰以後多事四方奏計或連歲不遣乃于右臺門置客省以居之上書言事蕃戎將吏蓋于此待報唐書李師道使崔承慶入奏待命客省是也會要曰昭宗天祐元年四月勅有客省使疑自代宗以來始命其官也

引進使

五代會要曰梁雜使有引進使宋國宋朝會要曰五代有內外馬步軍都頭蕃漢都引進使疑梁官也

四方館使

通典曰魏改漢大行令為客館令宋初置南北客館周署東西南北四掌客後為四方館宋朝會要曰唐四方館以通事舍人判隸中書省宋朝初以檢校官判館事淳化四年改置使名則四方館使自宋朝太宗始也

閤門使

唐會要昭宗天祐元年四月勅有閤門使五代會要梁諸使亦有東西二上閤門使疑亦唐官也

帶御器械

宋朝會要曰國初以來選三班以上武幹親信者佩紫鞬御劔或以內臣為之咸平元年四月以石知顯綦政敏並帶御器械云初止名御帶至是改焉

通事舍人

堯之試舜賓于四門秦置謁者漢以掌贊唱蓋通事之職也魏置中書通事舍人後除通事為中書舍人掌詔命而通事別為一職隋有通事謁者唐武德四年改曰通事舍人唐志曰東晉有通事舍人唐隸四方館屬中書省也今以為武臣閤門職事官隸閤門也

閤門祇候

宋朝會要曰故事閤門無通事舍人通事舍人隸中書省其長一人判四方館謂之館老如抽赴閤門祇應者則兼稱閤

門祇候按唐武德中改隋通事謁者為通事舍人則門祇候之名疑亦武德以來始有其稱也宋朝遂別以命官為通事之次

樞密承旨

宋朝會要曰五代樞密有承旨以諸衛將軍充宋朝始有樞密都承旨副承旨又別置諸房副承旨也

延福宮使

又曰明道元年置延福宮使蓋仁宗之初年置也

景福宮使

又曰大中祥符五年宣政使劉承珪以久疾辭職特置是名在客省使之上又曰大中祥符五年十二月以宣政使劉承珪為景福宮使初承珪乞退宰臣請別加美名真宗曰可特

置景福宮使自此始也

宣慶使

又曰舊諸司使止于宣政大中祥符元年東封禮畢宣政使李神福當遷職特置宣慶使名授之也

宣正使

又曰淳化五年以王繼恩有平賊功特置此名授之談苑曰太宗時內侍王繼恩平蜀李順之亂中書議以為宣徽使上不欲宦者預政召張洎錢若水議置宣正使在昭宣使之上會要又云五年八月也

昭宣使

又曰淳化四年置昭宣使初以皇城使王延德王繼恩莊宅使杜彥鈞為之又曰諸司使舊無此額詔旨特置在此年二

月也

內殿承制

又曰大中祥符二年正月詔置內殿承制班在內殿崇班上
秩比殿中丞

內殿崇班

又曰淳化二年正月詔置內殿崇班在供奉官之上餘見侍
禁候

供奉官

唐則天寶錄曰如意元年置內供奉玄宗時有翰林供奉唐
百官志云兩省自侍中中書令已下盡名供奉官此名供奉
官之初也筆談曰供奉官本唐從官永徽已後人十多居大
明宮別置官謂之東頭供奉官西內具貲不廢則謂西頭供

奉官宋朝太宗淳化中以供奉有四十年不遷者陞授崇班
則是五代以來為武臣之職也

左右侍禁

談苑曰本朝太宗雍熙四年增置左右侍禁宋朝會要曰淳
化二年正月置左右侍禁在殿直之上先是供奉官殿直有
四十年不遷者故特置崇班侍禁之目

左右殿直

左右殿直梁開平三年七月勅有殿直之文又元年宣下宣
徽院收管殿前受旨官左右內直等後唐清泰元年七月有
殿直都知趙處愿晉天福六年七月勅亦有殿直文則殿直
之官梁已有之也

三班奉職

談苑曰宋朝建國之初承舊制有殿前承旨雍熙四年改為三班奉職宋朝會要則其事在淳化二年正月改也

三班借職
談苑云舊制有借職承旨太宗雍熙中改曰三班借職會要以謂淳化二年正月也談苑又云自供奉至借職其員無數亦漢三署郎比也按今自崇班以上曰大使臣供奉以下至借職為小使臣也

東西使班部第二十九 凡三十七事

諸使

宋朝會要曰唐制百職皆九寺三監分典開元中始置諸使朝廷有詔則云諸司諸使以該之

皇城

唐書朱泚傳曰泚以李忠正為皇城使蓋名官之事始見于此太平興國六年十一月改武德司為皇城司故宋朝諸使有皇城使

翰林

宋朝會要曰唐有翰林使掌技術之待詔者五代有翰林茶酒使宋朝初有茶床使後止云翰林使

尚食

秦置尚食歷代為奉御屬殿中省今有尚食奉御是也唐別置尚食使故五代會要梁諸司使有尚食使也

御厨

唐會要昭宗天祐元年四月勅有御厨使

軍器

唐會要曰乾元元年六月勅軍器監改為軍器使以內官為之又曰六月十二日廢置使也宋朝會要曰開寶四年五月以軍器使楚昭輔為左驍衛將軍則是國家緣唐制有其官也

儀鸞

宋朝會要曰唐置營幕使後置同和院梁開平初改儀鸞院使宋朝置儀鸞使

弓箭

又曰唐有內弓箭庫使宋朝因之後去內字而五代會要梁諸使有弓箭庫使高彥休闕史中亦載莊宅內弓箭之名蓋唐官云續事始曰唐明皇開元年初天寶末置內尚衣庫使尚衣

又曰宋朝初置內衣庫使後省內字又云大中祥符二年七月改內衣物曰尚衣疑取此義也綾錦

唐書百官志少府所隸武后垂拱元年有綾錦坊宋朝會要曰乾德年以平蜀所得錦工置綾錦院疑自此始置使也太平興國二年分東西

八作

續事始曰唐玄宗置內八作使宋朝會要曰舊八作太平興國二年分東西馮鑑又引李肇國史補云玄宗開元初至天寶末所置使有內八作使

牛羊

通典曰太僕之屬北齊有牛羊置令宋朝會要諸司使副有

牛羊使諸司庫務有牛羊司開寶二年六月詔文已有大祀所供犢自今委牛羊司養之語疑國初官也

香藥

宋朝會要曰太平興國中以克平嶺南及交趾海南諸國連歲入貢通關市市人歲乘舶販易外物自三佛齊勃泥占城犀象香藥之物充牣府庫始議于京師置香藥榷易院增香藥之直聽商人市之命張遜為香藥庫使以主之此蓋置官之初也

榷易

又曰舊有香藥榷易院因置使此其本也又曰大中祥符二年二月撥併榷易院入榷貨務而使名不除也

氍毹

又曰唐有氍毹坊使五代合為一使宋朝因之

鞍轡

又曰唐神策軍有鞍轡庫五代置使宋朝因之

酒坊

又曰唐有酒坊使皇朝初加內字後去之

法酒

通典曰梁有酒庫丞宋朝會要曰周太祖平河中得酒工王思善造法麴因法酒庫置使蓋亦梁酒庫丞比也自皇城至法酒庫已上為東班

醫官

宋朝會要曰淳化五年八月以翰林醫官趙自化為少府監丞充醫官副使按唐會要正元八年八月令侍御醫尚藥直

長藥藏郎並留授翰林醫官然則醫官之置使當是唐官也
宮苑

通典曰宮苑摠監自隋置掌苑內宮館園池之事蓋宮苑之
職也唐會要曰開元十九年湯崇慶為五山宮苑使本一使
也唐末始分之唐書方鎮表曰開元二十年置宮苑使朔方
節度兼之又會要曰大和九年十一月又有開苑宮苑使然
則宮苑唐官也五代會要梁諸司使亦有宮苑使李肇國史
補曰開元之前有事于外則命使自置節度始有坐而為使
者後又有宮苑使

騏驎

宋朝會要曰唐有飛龍使及小馬坊使後唐長興三年改飛
龍院為左飛龍院小馬坊為右飛龍院太平興國三年改左

右天廐坊雍熙二年始曰左右騏驎院使名從之此左右
驥使副之始也

內藏

又曰太平興國三年十月初置內藏庫及使名也
左藏

唐百官志曰開元十九年以監察御史一人監左藏庫後以
殿中侍御史一人為左藏使此蓋設官之本也宋朝會要曰
唐以太府卿知左藏庫出納五代有使宋朝因之

作坊

唐百官志曰少府之屬有金銀作坊院宋朝會要曰唐有作
坊五代置使宋朝因之

莊宅

李吉甫百司舉要曰則天分置莊宅使又曰司農別有園苑莊宅使馮鑑續事始則云玄宗置唐會要曰昭宗天祐元年正月勅亦有莊宅使也李肇國史補曰玄宗開元止天寶末置使有莊宅使

六宅

宋朝會要曰唐置十宅六宅使以諸王所屬為名或摠云十六宅後止云六宅宋朝因之

文思

五代會要曰梁諸使有文思使又云開平元年五月改為軹文院使三年十月以軹文院為文思院後軹文却置院文思自為一使宋朝會要曰太平興國三年置文思院亦有文思使

內園

李吉甫百司舉要曰則天分置園苑使後改曰內園又曰司農別有園苑使唐會要正元十四年夏旱吳奉奏有內園使又五代會要梁諸使有內園栽接使也

洛苑

唐會要曰武德九年七月十九日置洛陽宮苑監永淳元年五月十一日置東西監管諸園苑至開成五年四月勅摠監宜令內司管仍別置使此疑其洛苑置使之本唐書馮鑑傳有洛苑使姚文壽繼部曲奪民田則其官始見於此會要梁諸司使亦有洛苑使也

如京

如京唐主倉官也唐會要曰文明元年準吏部式監太倉本是察院職務第一人監倉近移入殿院大和九年六月李固

言奏殿中侍御史充監太倉使唐志云開元十九年以監察御史充太倉出納使五代梁諸使始有如京使當是梁改太倉使曰如京也蓋取詩曾孫之庾如坻如京之義張緒續錦里耆舊傳王蜀亦有如京副使黃荃也

崇儀

宋朝會要曰唐有閑廐使太平興國五年改名崇儀也

西京左藏

又曰真宗咸平三年五月八日以贊善石熙政爲西京左藏庫副使前此無見疑國初所置官也蓋唐都京兆爲西京不得以別都直稱左藏也五代殘缺別都因不言具故事耳

西京作坊

又曰太祖開寶六年七月錄遺以尹崇珂子昭言爲西京作

坊後餘如西京左藏說也

染院

調官有染人堂染帛秦爲平準令隋有司染署唐又有染坊國宋朝會要曰唐有染坊使太平興國三年分置東西染院使名亦改也

禮賓

唐會要曰天寶十三年三月二十七日勅鴻臚屬司有禮賓院又元和九年六月置禮賓院于長興里其使名疑自此有也五代會要曰後唐天成元年太常禮院奏本朝故事諸蕃客并于內殿引對事在禮賓使由此證知其官始自先唐也又長興三年三月有禮賓使梁進德自契丹報聘迴也

供備

五代會要曰梁諸司使有武備庫使按其職非供備之掌也
宋朝會要曰太平興國三年改供備庫為內物料庫而使名
不改疑亦國初官也右自宮苑至供備庫使以上為西班

教坊

唐百官志曰開元二年置教坊于蓬萊宮側京都置左右教
坊掌俳優雜劇以中官為教坊使此其始也又曰武德後置
內教坊武后改曰雲韶府以中官為使開元後始不隸太常
也續事始曰玄宗立教坊以新聲散樂之曲優倡曼衍之戲
因其諧謔以金帛章綬賞之因置使以教習之國家乃以伶

人紀原卷第三十門二十三事
節錄帥漕部第三十門二十三事

節度

後漢公孫瓚討烏桓詔令受劉虞節度唐室名使蓋取此義
唐制緣邊戎寇之地則加以旌節謂之節度使始自睿宗景
雲二年四月以賀拔延嗣為河內節度使也肅宗至德以後
天下用兵中原刺史一例受號也唐書方鎮表云開元二十
二年朔方節度始兼處置使兵志曰高宗永徽以後都督帶
使持節者始謂之節度使然猶未以名官也

留後

宋武起義以孟昶摠攝後事其伐荊州也以劉道隣監留府
事此留後之始也唐開元之後凡節度入朝或遙領不臨鎮
則置留後以董軍事唐會要曰開元十五年十一月肅為鎮
河西二十六年正月李林甫領龐右揚國忠領劍南高以牛
仙客林甫以杜希聲國忠以李察崔圓並為留後此蓋置官

之始也德宗正元二年程懷直又自稱觀察留後故聖朝兼
二使以名官

觀察

唐明皇開元二年置十道按察採訪處置使肅宗改曰觀察
慶置新唐書方鎮表曰至德元載置觀察使百官志曰肅宗
乾元元年改也

防禦

武后聖曆元年以夏州領防禦使棧山犯順當衝諸郡皆置
之則是防禦使自則天始也職林云至德後置舊唐書志曰
至德後中原大郡要害之地置防禦使以治軍事不賜旌節
也

團練

肅宗乾元元年置防禦團練使馮鑑曰至德中觀風使并領
都團練其後上州亦有其號唐百官志曰元載秉政恩結人
心刺史皆得兼團練使元載傳曰載用事授刺史者悉帶團
練使以悅人心

宣撫

宋朝會要曰咸平三年六月詔遣參政向敏中充河北東緣
邊宣撫大使馮拯陳堯叟充副大使存問官吏自後隨事即
置事已乃省蓋自此始也宣撫唐官新書德宗詔肅復充山
南江湖等道宣撫安慰使是也見後傳

安撫

唐正觀初遣大使巡天下諸州水旱則有安撫之名高宗時
命裴行儉冊波斯王始為安撫大使天后時聖曆元年狄仁

傑為河北道安撫此蓋其始也德宗正元元年又置副使宋朝會要曰咸平三年十月以王欽若為西川梁顥為峽路安撫使但以觀省風俗耳四年八月以張齊賢充涇源等十五軍州安撫經略使帝以邊將玩寇始改命齊賢等使自此始為邊帥也又景德元年五月以知永興軍向敏中充峽路緣邊安撫使先是賊遷死延州鈐轄張崇貴令朝廷遣使吊問仍望遣大臣至邊上召賊所親信張浦定議故命敏中經度之十月以知青州張齊賢兼青淄維等州安撫使并兵馬巡檢賊盜公事自此又為內地帥座之任

經略

唐太宗正觀中邊州別置經略使此蓋使名之起也高宗儀鳳二年以黑齒常之為河源軍經略大使宋朝會要曰舊不

常置晉因事命使實元以來陝西緣邊大將皆兼經畧也初自咸平四年八月張齊賢為涇源安撫又始以安撫使兼經略云

招討

唐百官志曰招討使掌征伐兵罷則省云天寶末置招討都統之名始於此事始云開元十七年宰相奏置招討使天寶十五載以來瑱為潁川太守兼招討使職林曰正元時置注又云德宗建中年以馬燧為魏博招討使舊唐志曰正元末置用兵權兵罷則停也

總管

晉有都督諸軍事後周改為總管唐武德初邊要之地亦置總管以統軍正觀三年李靖除定襄道大總管是也宋朝初

有兵馬都部署治平初避英宗嫌名改為總管亦法古號也
續事始載周武帝建德六年以王謙為益州總管記為命官
之始

幕府

漢書李廣傳注晉灼曰衛青征匈奴大克就拜大將軍於幕
中故曰幕府幕府之名始於此也顏師古曰幕府者以軍幕
為義軍旅無常居止故以帳幕遮之廉頗李牧市租皆入幕
府此則非因衛青始有號矣又漢文帝問馮唐唐對有上功
幕府之說則上將之稱幕府其來久矣今人以稱元帥義取
諸此

館接伴

宋朝會要曰景德二年五月詔將來契丹使至今諸司驛路

契丹賀承天節使此疑館伴之始也又曰特已命樂黃
宗元詰雄州接伴迴日充送伴使此疑接伴之始也

五代會要曰晉天福三年韓延嗣配華州發運務此始見發
運之名宋朝會要曰乾德二年二月以何幼冲充京畿東西
水陸發運使此始有發運使之官也至道元年始命王子與
等為江淮兩浙發運使兼制置茶鹽事就淮南置局咸平二
年仍領荆湖四年又加都大字景德三年二月以馮亮為淮
南江浙荆湖制置茶鹽兼都大發運使自是使名始定也又
有三門白波發運使太平興國五年正月命姚沆為陝府三
門發運使疑其初云唐書李傑傳進陝州刺史水陸發運使

置自傑始

發副

至道元年七月以楊允恭為江淮兩浙發運副使兼提賊制
置茶鹽公事景德後亦有副使也

轉運

秦攻匈奴使天下無為輒粟漢蕭何漕運關中又漢漕運山
東粟以給中郡即轉運之起也唐會要曰先天二年李傑為
陝州刺史充水陸發運使開元十八年裴耀卿始為江淮轉
運使此其命官之始也宋會要曰唐置江淮處置轉運使
後置諸道轉運使多以重臣兼領而諸道各置巡院皆
統於使五代置院置轉運司國初但曰勾當某路水陸計
度轉運事官位即曰使也

運副

開元中裴耀卿為江淮轉運使以崔希逢等為副此蓋運副
之始也宋朝會要轉運篇云太平興國初又置副使也

運判

宋朝會要曰開寶五年八月九日以潘美尹崇珂並兼嶺
南轉運使以轉運使王明為副使許允言為判官則轉運之
有判自此其始也太平興國三年四月十日置諸道轉運判
官始以戴允誠等分為之唐會要云景龍二年七月置十道
按察使分察天下今轉運之兼按察者蓋始於此

府提點

又曰景德三年三月勅置開封府界提點司即置提點之官
呂夷簡三朝寶訓曰真宗謂近臣曰諸道刑獄皆遣官提振

唯京師無之去夏開封府訊進士蹇符暴於日中裂其背而鞠之無狀炎暑之際罪未見情枉羅虐毒令置司命京師刑獄處悉糾之

提刑

又曰淳化二年五月詔諸路轉運司各常參官一人專知糾察刑獄公事始以司門董循等爲之三年四月詔始稱提點刑獄景德四年六月真宗筆記六事一曰提點刑獄七月詔擇官提點諸路刑獄公事始命屯田李拱等爲之

將領

宋朝神宗初置將官於諸路曰東南或西北等某將有副掌春秋訓練有警則部所將兵以策應於是又有提舉將兵之官

都監

唐書白居易傳曰王承宗叛帝以吐突承璀率師出討居易諫曰唐家制度每征伐專委將率比年始以中人爲都監韓全義討淮西賈良國監之高崇文討蜀劉正亮監之此疑其初也宋朝會要曰國初諸州都監或雜文臣其後遂罷止以武臣爲之軋德三年五月勅差起居舍人劉兼通判泗州兼兵馬都監是也太平興國三年五月以客省使程守素爲兩浙諸州兵馬都監此又國家命官之始也

監押

唐中宗始以中官監押兵馬宋朝諸州亦有兵馬監押小使臣以下卽爲監押大使臣已上曰都監張緒續錦里耆舊傳曰端拱元年春供奉官宿翰充成都府兵馬監押宋朝之置

監押自此始

陵臺令

唐百官志有陵臺令初曰諸陵署令天寶十載改獻昭等王陵署曰陵臺此蓋命名之初也漢有長陵及文園令歷代皆有令丞宋朝會要曰乾德二年以河南府鞏縣令孔美兼安陵令雍熙二年五月詔今後注鞏縣令便令兼陵臺令公事景德四年正月詔永安鎮特建縣其縣令兼陵臺令也蓋本周官冢人之職掌公墓之比

撫字長民部第三十一凡三十八事

留守

成王命君陳分正東郊成周通典記以李晦為西京留守開元十一年太原府置尹以尹為留守謂之三都留守唐志云

車駕不在京則置留守此蓋命官之始也宋朝則曰兼某京留守司事也

州牧

黃帝立四監以治萬國舜外有州牧侯伯則州牧之始蓋自有虞氏也

府尹

周成王之命君陳東郊曰尹茲東上春秋之時縣邑之長或曰尹楚有令尹此尹之始也漢京兆河南曰尹唐以州郡建府者皆曰尹按漢百官表曰右內史武帝太初元年更名京兆尹此名官之始也

都督

漢光武建武初權置督軍御史事竟輒罷魏文黃初三年初

置都督諸軍事然魏初受漢禪時已有持節都督則非三年
初置也大抵魏所建官耳明帝太和四年秋始加大都督以
命司馬懿唐太極初并益荆楊開元中兼潞爲五大都督也
漢建安中魏武爲相始遣大將軍督之二十一年征孫權還
使夏侯惇都督二十六軍於是始有都督之官矣

刺史

先秦以御史監郡漢初省之惠帝復建監三輔郡文帝十三
年九月遣丞相史出刺并督察御史武帝元封五年又置部
刺史察州晉以來任輕者加持節後周又加諸軍事唐武德
後加號使持節某州諸軍事某州刺史宋朝以它官知州事
而刺史不臨州以爲武臣加官而已舊唐志云初漢秦後者
皆持節故刺史臨部持節晉任重者爲使持節都督後魏北

齊加諸軍事也

知州

唐李師道之阻兵也謂其弟師古曰是不更民疾苦要令知
衣食所從乃署知密州唐會要曰大和四年八月御史臺奏
按大曆十二年五月一日勅刺史有故乃闕但令上佐依次
知州事則知州之名自代宗始也宋朝之制自大都督府至
下州親王爲大都督庶姓爲長史餘使及刺史有故及闕但
令上佐依次知州事太祖始削外權止令文臣權蒞後爲知
軍州事二品以上及帶兩府宣徽者稱判國老閑談曰太祖
嘗語趙普以唐室亂源在諸侯難制何術以革之普曰諸列
郡以京官知三年一替則無虞迄今行之也

通判

置自傑始

發副

至道元年七月以楊允恭為江淮兩浙發運副使兼提賊制
置茶鹽公事景德後亦有副使也

轉運

秦攻函奴使天下無為輒粟漢蕭何漕運關中又漢漕運山
東粟以給中郡即轉運之起也唐會要曰先天二年李傑為
陝州刺史充北道發運使開元十八年裴耀卿始為江淮轉
運使此其命官之始也宋會要曰唐置江淮處置轉運使
後置諸道漕轉運使多以重臣兼領而諸道各置巡院皆
統於使五代時設院置轉運司國初但曰分當某路水陸計
度轉運事官亦曰轉運使也

運副

開元中裴耀卿為江淮轉運使以崔希逢等為副此蓋運副
之始也宋會要轉運篇云太平興國初又置副使也

運判

宋朝會要曰開寶五年八月九日以潘美尹崇珂並兼領嶺
南轉運使以轉運使王明為副使許允言為判官則轉運之
有判自此其始也太平興國三年四月十日置諸道轉運判
官始以戴允誠等分為之唐會要云景龍二年七月置十道
按察使分察天下今轉運之兼按察者蓋始於此

府提點

又曰景德三年三月勅置開封府界提點司即置提點之官
呂夷簡三朝寶訓曰真宗謂近臣曰諸道刑獄皆遣官提振

唯京師無之去夏開封府訊進士蹇行暴於日中裂其背而
鞠之無狀炎暑之際罪未見情枉羅虐毒令置司命京師刑
獄處悉糾之

提刑

又曰淳化二年五月詔諸路轉運司各一人常參官一人專知
糾察刑獄公事始以司門董循等爲之三年四月詔始稱
提點刑獄景德四年六月真宗筆記六事一曰提點刑獄七
月詔擇官提點諸路刑獄公事始命屯田李拱等爲之

將領

宋朝神宗初置將官於諸路曰東南或西北等某將有副掌
春秋訓練有警則部所將兵以策應於是又有提舉將兵之
官

都監

唐書白居易傳曰王承宗叛帝以吐突承璀率師出討居易
諫曰唐家制度每征伐專委將率比年始以中人爲都監韓
全義討淮西賈良國監之高崇文討蜀劉正亮監之此疑其
初也宋朝會要曰國初諸州都監或雜文臣其後遂罷止以
武臣爲之軋德三年五月勅差起居舍人劉兼通判泗州兼
兵馬都監是也太平興國三年五月以客省使程守素爲兩
浙諸州兵馬都監此又國家命官之始也

監押

唐中宗始以中官監押兵馬宋朝諸州亦有兵馬監押小使
臣以下卽爲監押大使臣已上曰都監張緒續錦里耆舊傳
曰端拱元年春供奉官宿翰充成都府兵馬監押宋朝之置

有兵馬都部署治平初避英宗嫌名改為總管亦法古號也
續事始載周武帝建德六年以王謙為益州總管記為命官
之始

幕府

漢書李廣傳注晉灼曰衛青征匈奴大克就拜大將軍於幕
中故曰幕府幕府之名始於此也顏師古曰幕府者以軍幕
為義軍旅無常居止故以帳幕遮之廉頗李牧市租皆入幕
府此則非因衛青始有號矣又漢文帝問馮唐唐對有上功
幕府之說則上將之稱幕府其來久矣今人以稱元帥義取
諸此

館接伴

宋朝會要曰景德二年五月石將來契丹使至今諸司緣路

一月命翰林學士李宗諤東上閤門使曹利用在
契丹賀承天節使此疑館伴之始也又曰特已命樂
宗元請雄州接伴迴日充送伴使此疑接伴之始也

五代會要曰晉天福三年韓延嗣配華州發運務此始見發
運之名宋朝會要曰乾德二年二月以何幼冲充京畿東西
水陸發運使此始有發運使之官也至道元年始命王子與
等為江淮兩浙發運使兼制置茶鹽事就淮南置局咸平二
年仍領荆湖四年又加都大字景德三年二月以馮亮為淮
南江浙荆湖制置茶鹽兼都大發運使自是使名始定也又
有三門白波發運使太平興國五年正月命姚沆為陝府三
門發運使疑其初云唐書李傑傳進陝州刺史水陸發運使

置自傑始

發副

至道元年七月以楊允恭為江淮兩浙發運副使兼提賊制置茶鹽公事景德後亦有副使也

轉運

秦攻匈奴使天下飛為輓粟漢蕭何漕運關中又漢漕運山東粟以給中部即轉運之起也唐會要曰先天二年李傑為陝州刺史充水陸發運使開元十八年裴耀卿始為江淮轉運使此其命官之始也宋會要曰唐置江淮處置轉運使後置諸道悉轉運使多以重臣兼領而諸道各置巡院皆統於使五代罷巡院置轉運司國初但曰勾當某路水陸計度轉運事官稱即曰使也

運副

開元中裴耀卿為江淮轉運使以崔希逢等為副此蓋運副之始也宋會要轉運篇云太平興國初又置副使也

運判

宋朝會要曰開寶五年八月九日以潘美尹崇珂並兼領嶺南轉運使以轉運使王明為副使許允言為判官則轉運之有判自此其始也太平興國三年四月十日置諸道轉運判官始以戴允誠等分為之唐會要云景龍二年七月置十道按察使分察天下今轉運之兼按察者蓋始於此

府提點

又曰景德三年三月勅置開封府界提點司即置提點之官呂夷簡三朝實訓曰真宗謂近臣曰諸道刑獄皆遣官提振

唯京師無之去夏開封府訊進士蹇行暴於日中裂其背而鞠之無狀炎暑之際罪未見情枉羅虐毒令置司命京師刑獄處悉糾之

提刑

又曰淳化二年五月詔諸路轉運司各一人常參官一人專知糾察刑獄公事始以司門董循等為之三年四月詔始稱提點刑獄景德四年六月真宗筆記六事一曰提點刑獄七月詔擇官提點諸路刑獄公事始命屯田李拱等為之

將領

宋朝神宗初置將官於諸路曰東南或西北等某將有副掌春秋訓練有警則部所將兵以策應於是又有提舉將兵之官

都監

唐書白居易傳曰王承宗叛帝以吐突承璀率師出討居易諫曰唐家制度每征伐專委將率比年始以中人為都監韓全義河淮西賈良國監之高崇文討蜀劉正亮監之此疑其初也宋朝會要曰國初諸州都監或雜文臣其後遂罷止以武臣為之乾德三年五月勅差起居舍人劉兼通判泗州兼兵馬都監是也太平興國三年五月以客省使程守素為兩浙諸州兵馬都監此又國家命官之始也

監押

唐中宗始以中官監押兵馬宋朝諸州亦有兵馬監押小使臣以下即為監押大使臣已上曰都監張緒續錦里者舊傳曰端拱元年春供奉官宿翰充成都府兵馬監押宋朝之置

監押自此始

陵臺令

唐百官志有陵臺令初曰諸陵署令天寶十載改獻昭等王陵署曰陵臺此蓋命名之初也漢有長陵及文園令歷代皆有令丞宋朝會要曰乾德二年以河南府鞏縣令孔美兼安陵令雍熙二年五月詔今後注鞏縣令便令兼陵臺令公事景德四年正月詔永安鎮特建縣其縣令兼陵臺令也蓋本周官家人之職掌公墓之比

撫字長民部第三十一凡三十八事

留守

成王命君陳分正東郊成周通典記以李晦為西京留守開元十一年太原府置尹以尹為留守謂之三都留守唐志云

車駕不在京則置留守此蓋命官之始也宋朝則曰兼某京留守司事也

州牧

黃帝立四監以治萬國舜外有州牧侯伯則州牧之始蓋自有虞氏也

府尹

周成王之命君陳東郊曰尹茲東上春秋之時縣邑之長或曰尹楚有令尹此尹之始也漢京兆河南曰尹唐以州郡建府者皆曰尹按漢百官表曰右內史武帝太初元年更名京兆尹此名官之始也

都督

漢光武建武初權置督軍御史事竟輒罷魏文黃初三年初

置都督諸軍事然魏初受漢禪時已有持節都督則非三年
初置也大抵魏所建官耳明帝太和四年秋始加大都督以
命司馬懿唐太極初并益荆楊開元中兼潞爲五大都督也
漢建安中魏武爲相始遣大將軍督之二十一年征孫權還
使夏侯惇都督二十六軍於是始有都督之官矣

刺史

先秦以御史監郡漢初省之惠帝復建監三輔郡文帝十三
年九月遣丞相史出刺并督察御史武帝元封五年又置部
刺史察州晉以來任輕者加持節後周又加諸軍事唐武德
後加號使持節某州諸軍事某州刺史宋朝以它官知州事
而刺史不臨州以爲武臣加官而已舊唐志云初漢秦使者
皆持節故刺史臨部持節晉任重者爲使持節都督後魏北

齊加諸軍事也

知州

唐李師道之阻兵也謂其弟師古曰是不更民疾苦要令知
衣食所從乃署知密州唐會要曰大和四年八月御史臺奏
按大曆十二年五月一日勅刺史有故乃闕但令上佐依次
知州事則知州之名自代宗始也宋朝之制自大都督府至
下州親王爲大都督庶姓爲長史餘使及刺史有故及闕但
令上佐依次知州事太祖始削外權止令文臣權蒞後爲知
軍州事二品以上及帶兩府宣徽者稱判國老閑談曰太祖
嘗語趙普以唐室亂源在諸侯難制何術以革之普曰諸列
郡以京官知三年一替則無虞迄今行之也

通判

國家初置諸州通判楊文公談苑云太宗始置即古監郡也
宋朝會要曰建隆四年四月命賈玘等充荆南諸州通判又
軋德四年十月詔書已有通判又建隆軋德皆太祖年號則
是此官之設自太祖始也按唐室上州置長史一人掌通判
州事則通判之名亦取唐制州長史之職為稱耳

勸農

漢承秦置大農丞十三人人部一州以勸農桑力田者此勸
農官之始也唐中睿之世州郡牧守皆以勸農各其官宋朝
會要曰至道二年七月直史館陳靖言天下多曠土流民請
置使招集八月以靖為勸農使按行陳許等八州勸民墾田
其副呈南選何亮以為功難成願罷至景德三年二月詔諸
路轉運開封知府諸知州少卿監以上並兼勸農使其餘知

州軍通判並兼勸農事今自今除授依此

河隄

宋朝會要曰軋德五年正月詔開封大名鄆潭等十七州長
吏並兼河隄使此蓋其始也至皇祐初都水置河隄使者

簽判

宋朝之制諸州府幕官大藩鎮以京朝官簽署節度觀察判
官者曰簽判治平中避英宗嫌名改署曰書宋朝會要曰景
德元年十月以大理評事祕閣校理劉筠等分知天雄軍節
度觀察判官事此蓋簽判之始也

判官

秦漢以來郡府之幕有掾史從事逮于梁齊亦無判官續事
始曰隋元藏機始為過海使判官此使府判官之始也唐景

雲之後有節察防團等使亦各隨使置之五代留府軍監皆
蓋焉監皆曰幕職或呼幕客舊唐志云皆天寶後置也馮鑑
乃云開元後始有之尚為諸使官屬五代多故始領郡事以
為州府職也

推官

唐百官志曰節察防團使皆有推官舊唐書云天寶續事也

書記

漢書百官志曰王公及大將軍幕府皆有記室掌章表書記
續事始引魏志太祖以陳琳阮瑀為記室文帝與吳質書稱
孔章章表殊健元瑜書記翩翩宋江夏王乃以丘源為掌書
記而未為職名唐開元元年勅節度置掌書記自後藩侯得
自奏請也又魏志建安中曹洪欲使阮瑀掌書記

支使

唐置觀察使亦置觀察支使則支使唐置官也續事始曰唐
至德初改採訪使為觀風始置判官二人支使二人推官一
人也

軍判

五代會要曰後唐天成二年九月十九日勅刺史州不合有
防禦判官今後改為軍判官此蓋置官之本也

軍巡

又曰梁開平三年十月置左右軍巡使各置巡院宋朝會要
云唐末始置後唐分左右也舊開封府以牙校為之開寶六
年六月改用士人李夢趙中衡太祖以刑禁之重始任士流
也呂夷簡三朝寶訓曰開寶六年上謂近臣曰開封府左右

軍巡諸州馬步判官比來所在止選牙校為之刑獄事重人命所繫自今當選士流任之也

參軍

杜佑云參軍後漢末置參諸軍府事若今節度判官漢書曰靈帝以幽州刺史陶謙參司空張溫軍事此其始也本公府官晉始置其官於州郡唐諸曹皆稱之續事始以謂後漢豈在州曰司

錄事

漢司隸屬有功曹從事史兼錄衆事在州為治中漢又有督郵主簿皆錄事之任也晉始置錄事參軍刺史有軍而開府者並置之本為公府官非州職也續事始曰後漢有郡立簿亦曰督郵隋以錄事參軍代之掌勾稽文簿舉彈善惡監

印給紙筆之事開元初京兆河南曰司錄管六曹宋朝京邑大府以京朝官領其事曰知其非京官而資考以次者亦曰知也三輔決錄章康成曰郡主簿是也

功曹

秦漢有功曹史蕭何一書史掾功曹是也後漢有功曹史主選功勞北齊為功曹參 早今止開封府置餘州皆省也

倉曹

漢有倉曹史北齊以為參軍今亦獨開封府置也

戶曹

漢公府有戶曹掾主民戶祀農桑州郡為史北齊與功倉曹同為參軍唐諸府曰戶曹餘州曰司戶

兵曹

漢公府掾史有兵曹主兵事司隸屬官有兵曹從事史郡國
為使北齊同諸曹為參軍今又獨置於開封府也

法曹

漢公府掾史有賊曹掾主刑法曹之任也歷代皆有或為法
曹隋以後與功曹同陳孝意為東郡司法書佐是也唐為參
軍事

士曹

北齊始有士曹參軍今獨開封府置餘州雖有司士又以為
散官也

司理

漢公府有決曹掾主罪法事通典以為法曹之職白氏六帖
則云魏置理曹掾蓋法曹也即今司理之任舊制諸州有馬

步院及子城院主禁繫訊獄張緒續鄧王者舊傳曰開寶六
年秋初改馬步院為司理院廢馬步都虞候除文資為司理
參軍成都雄藩一十六處置左右馬子城院不得禁繫公事
呂夷簡三朝寶訓曰太祖開寶六年謂近臣曰諸州馬步判
官比來止選牙校為之刑獄人命所繫當選士流任之蓋自
是始置司理之官也餘見軍巡條唐諸州有馬步使

文學

漢郡國皆有文學掾則文學漢官也唐會要曰大曆十四年
十二月五日諸州府學博士改為文學品秩同參軍唐志曰
文學州授於吏部然無職事衣冠耻之故朝以為散官矣穀
子曰隋開皇中潞州刺史柳昂表勸學帝令州置博士俾其
教授唐肅宗時顏真卿曰文學蓋復漢舊號也

教授

隋有州博士潘徽嘗為之唐武德初府郡亦置經學博士掌以五經教授德宗即位改為文學元和中廢宋朝神宗元豐中興大學三舍以經術養天下之才又於諸大郡府始各置教授一人掌教導諸生如大學博士亦隋州博士之職也

縣令

周官有縣正下大夫春秋之時縣邑之長曰大夫秦本紀曰孝公十二年并諸小鄉聚為大縣縣一令商君列傳曰鞅令邑聚為縣置令丞別縣令及丞自秦孝公始也漢百官表曰縣令長皆秦官万户以上為令減万户為長宋朝會要曰周衰六國置縣邑其長齊晉曰大夫魯衛曰宰楚曰公曰尹秦曰令曰長也

知縣

唐會要曰大中五年十二月景陵有賊斫損神門戟架六年四月裴讓權知縣事蓋知縣之名始起于此矣宋朝會要曰建隆四年六月詔河朔右地魏為大名分治劇邑當用能吏思慎釐於縣務特選士於朝行斷自朕心以重其任大理正奚嶼知大名府館陶縣事監察御史王祐知魏縣揚應夢知永齊縣屯田于繼徽知臨清朝臣知縣自嶼等始也

縣丞

史記商君傳曰鞅令邑聚為縣置令丞縣丞秦官也宋朝會要曰天聖四年七月詔開封兩縣各置丞一人在簿尉之上先兩丞簿尉多差出至是蘇耆上言乃命增置此國家置丞之初也應邵漢官曰大縣丞左右尉所謂命卿三人也今以

京朝官領其任者曰知縣丞自神宗朝增置也
主簿

漢有之後漢繆彤仕縣為主簿是也續事始則云後漢始有
主簿之號諸郡置之即今錄事叅軍也至隋大業中諸縣始
置主簿掌勾稽簿籍糾正縣內非違

縣尉

漢百官表曰縣有丞尉長安有四尉分左右是也蓋亦漢官

都廂

國初以來以四廂都指揮使巡轄提舉京城裏諸巡警時謂
之廂主凡煙火盜賊即部所轄以赴之諸公事自答以下皆
得區分神宗熙寧中置勾當左右廂公事所以文臣一負主
之自關訟賊盜杖六十而下皆決之以分天府之劇也民間

謂之都廂

別駕

唐六典曰後漢州置別駕歷代皆有之杜佑云別駕本因漢
置隨刺史巡察若今觀察之有副使也宋朝與長史司馬並
爲散官云通典曰從刺史行部別乘一乘傳車故謂之別駕
漢制也

長史

漢百官表曰秦置郡丞其郡當邊戍者丞爲長史則長史宜
秦所置官也通典曰唐五府長史理府事餘府州通判而已
司馬

曲禮天子之五官有司馬周禮以爲政官之率漢爲三公之
任周政官之屬又有大小軍與行都家等職本任武之官古

者軍行則有之左傳晉悼公以魏絳為中軍司馬是也魏晉以後刺史帶將軍開府者則置之自此始為州郡官唐高宗即位改治中為司馬節度亦有行軍司馬今與節度團練副使並以為貶責之官

醫學

唐會要曰正觀三年九月十六日諸州府置醫藥博士開元十一年五月七日始置醫學博士唐志曰開元元年改醫藥博士為醫學也

助教

晉咸寧四年初立國子學置助教以教生徒魏始於太醫置之唐國子四門俱有其官開元元年諸州始置醫學助教宋朝神宗元豐中除之初宋朝唯以四門國子助教命醫者故

官制

唯置太醫及州助教也

京邑館閣部第三十一凡三十二事

京師

釋名曰國君所居曰都帝王世紀曰太昊都陳此稱都之初也三代而來夏曰夏邑商曰京師京大也師衆也大眾所居故以名天子之都

京城

宋朝會要曰自朱梁建都汴州為東京皆因藩鎮舊制但改名額而周顯德五年始廣新城周回四十八里二百三十步宋敏求東京記曰周世宗顯德二年四月詔京城四面別築羅城三年正月發京畿滑鄭曹之民命薛可言等四面督之韓通摠其事王朴經略一凡通衢委巷廣袤之間皆朴定其

制踰年而成宋朝神宗建寧中始四面築爲敵樓作瓮城及濬治壕塹也

門名

又曰太平興國四年九月詔改京城內外門名三十有二即今名南薰宣化是也東京小記曰外城諸門大抵俱周顯德中築外城立也

保康門

又曰大中祥符五年七月詔曰重城陽位通門肇開宜以京城新開門爲保康門初建八會靈觀於奉節致遠二營仍作此門於朱雀門之東南闢生街與觀北門相直也

坊名

又曰至道元年十一月改京城內外坊名即今太平義和

等一百三十六是也太宗以舊名多涉俚俗之言至是始以美名易之唯寶積安業樂臺利仁四坊仍舊東京記曰太宗命張洎改撰其名也新城外坊至道中定後祥符元年始分置九廂及諸坊也

大內

又曰今大內即宣武軍節度治府宋梁建都遂以衙第爲建昌宮晉天福初又爲大寧宮第改名號而已周世宗雖加營繕猶未合古制建隆三年發開封浚儀民廣之自是皇居始

西京內

又曰唐蔡賊孫儒諸葛爽之犯洛陽宮闕燔燒殆盡其後張全義爲河南尹始加繕治累年方集宋朝開寶八年十月遣

使修也

西京殿

又曰太平興國三年二月詔改西京新修諸殿名今太極天興等名是也

南京殿

又曰大中祥符七年二月真宗幸應天府詔升為南京正殿以歸德為名又以南門為崇禮雙門為祥輝三月又賜南京諸門名

龍圖閣

又曰大中祥符七年二月以杜鎬為龍圖閣制即建閣在是年前又曰大中祥符七年二月以杜鎬為龍圖閣制即建閣在是年前又曰大中祥符七年二月以杜鎬為龍圖閣制即建閣在是年前

太宗御集而國老閑談乃有太宗幸龍圖閣觀書之語

天章閣

又曰天禧五年二月於龍圖閣北起天章閣奉安真宗御製既成令兩街僧道具威儀教坊作樂奉真宗御集御書自王清昭應宮安于閣上也此其始云東京記曰天章閣天禧五年三月建以藏真宗御集

寶文閣

東京記曰本名壽昌閣與天章並建慶曆初改曰寶文仁宗聖文神翰祕于此也

資善堂

仁宗肄學之所也宋朝會要曰在元符觀南大中祥符八年置天禧四年徙御厨北也又曰祥符九年二月詔元符皇子

就學之所宜以資善堂為名
繼聖堂

東京記曰太宗尹京命署東建堂習射大中祥符二年閏二月真宗臨幸宰臣請以繼聖為名許之今人呼曰繼聖堂
學士院

唐武德正觀時溫大雅等以文詞召待詔常於北門候進止
玄宗開元二十六年始置學士院始改待詔為翰林學士故也

史館

史職肇自黃帝而倉頡沮誦掌之周及列國亦有史名漢武置太史公漢以後職在祕書唐太宗始置史館以修國史唐百官志曰歷代史官隸祕書省著作局正觀三年閏十二月

始移史館於禁中蓋自是始別局也

昭文館

唐會要曰武德四年正月置修文館九年三月改為弘文九月太宗即位弘文殿聚書殿側置弘文館神龍元年十月十九日改曰昭文後復曰弘文宋朝避廟諱復曰昭文與集賢史館同為三館也神宗行官制皆隸祕書省青箱雜記曰本前世弘文館建隆中以犯宣祖諱改焉

集賢院

唐開元五年乾元殿寫四部書置麗正修書院於集仙殿十三年明皇召張說等宴集仙殿謂說曰今與卿等賢才同宴於此宜改名集賢由是修書院亦曰集賢院

祕閣

宋朝會要曰端拱元年五月詔就崇文院中堂建祕閣淳化元年八月二十一日李至書言漢桓置祕書監掌禁中圖書祕記魏以屬少府王肅表論不應屬少府曰魏之祕書即漢東觀因是不屬而蘭臺亦藏書故薛夏云蘭臺爲外臺祕書爲內閣然則祕閣之名始於此矣晉孝武勅徐廣料祕閣四部二萬餘卷是也

起居院

北齊有起居省宋朝會要曰淳化五年四月五日張泌奏復左右史之職記錄以爲起居注太宗從之置院於禁中此其始也

四方館

沈約宋書曰高祖永初中置南北客館令主四方賓客後爲

四方館此其始也

待漏院

唐元和中方置待漏院於朝門外令百官朝以避風霜國史補云

皇城司

宋朝會要曰本名武德司太平興國六年十一月改爲皇城司東京記曰掌皇城管鑰木契及命婦朝參顯承殿內取索事

內東門

又曰舊名內門取索司景德三年二月改爲內東門司三月鑄內東門司印給之東京記曰掌宣索庫務寶貨及貢獻納于內中修造宴設事興國中置內庫門取索司景德中改也

合同司

又曰天禧三年正月三司言使臣傳宣取物承前止是口傳詔旨別無憑驗致因緣盜取錢物請下入內侍省傳宣今門司如有須索以合同憑由一本給付逐處五年十一月鑄合同憑由印給之東京記曰掌禁中宣索之物天禧中置傳宣合同司尋改今名

御藥院

唐尚藥局有內藥院宋朝太宗至道三年又置御藥院於禁中也東京記曰掌合和御藥至道三年置在崇政殿後祥符八年徙外廊萬寶元二年復移殿後東廊

內藏庫

宋朝會要曰太平興國三年十月置在銀臺門外又曰景

德四年十月陳彭年撰內藏庫記真宗曰太祖以來有景福內庫太宗改名內藏庫所貯金帛備軍國之用非自奉也呂夷簡三朝寶訓曰乾德初太祖觀左右曰軍興須豫備臨事厚歛非計也於講武殿後別為庫貯金帛此蓋置庫之始也沂國文正公筆錄曰太祖平諸僭偽收金帛歸京師貯別庫號封樁庫歲儲國用羨餘皆入焉論近臣曰石晉割幽燕郡縣賂契丹一方人限外境朕甚憫之俟此庫所蓄滿三五百萬以為贖直會上仙事寢太宗改右藏庫今日內藏庫東京記曰國初置景福內庫太平興國三年改曰內藏其說小異也

左藏庫

通典曰漢有中藏晉有左右藏晉江東置御史掌庫曹後分

庫曹曰外藏庫內左庫後省外左庫直曰左庫唐有左藏庫百官志曰左藏晉始有之也東京記曰國初止一庫興國二年分三庫曰錢幣金銀匹帛淳化三年分置左右右納左給凡六庫四年廢右分左藏庫爲四庫曰錢金銀曰絲綿曰生白匹帛曰雜色匹帛祥符二年併金銀絲綿爲一七年併生白雜色爲生熟匹帛

奉宸庫

宋朝會要曰舊五庫一宣聖殿二穆清殿三崇聖殿四受納真珠五樂器康定元年九月合爲一庫改名奉宸庫也

御殿素厨

又曰大中祥符九年置在玉清昭應宮後徙御厨也

金水河

又曰東京水源曰祝龍泉過中牟曰金水建隆二年春命陳承昭引抵都城西架其水橫絕經汴入浚溝乾德三年引貫皇城歷後苑內庭池沼皆至開寶九年太祖親按引注玉第及公主第也

五丈河

談苑曰京水自滎陽至于汴陳承昭本江南人習知水利國初上言導京水踰汴東北注河通山東之漕其廣五丈以號河其事在太祖時也

會府臺司部第三十三凡二十六事

門下省

先秦有黃門郎而無寺府後漢嘉平六年始有之曰侍中寺晉志曰給事黃門侍郎與侍中俱管門下眾事故謂之門下

省然則晉始名之也唐志曰晉始置門下省也

中書省

中書之官雖起自漢武而所治之府魏晉始有之謂之中書省通典曰中書之官舊矣謂之中書省自魏晉始焉

鳳池

世謂中書曰鳳池者按晉荀勗為中書監遷尚書令勗久在中書失之甚恚有賀之者怒曰奪我鳳皇池何賀故今以為

稱池

尚書省

通典曰堯試舜於大麓領錄天下事似其任也周之司會又其職焉鄭康成云司會若今尚書也漢有尚書臺宋始曰尚書省也

都省

漢以僕射總理六尚書謂之都省至唐垂拱中改尚書省曰都省是則都省之號始自漢也

南省

晉以門下名省號北省故以尚書為南省是則南省之稱始自晉也蘇鶚演義曰省省也謂省察天下簿書之所

御史臺

秦漢有御史府亦曰憲臺後漢始曰御史臺亦為蘭臺寺舊唐志則曰後漢改為憲臺魏晉宋曰蘭臺梁陳北朝曰御史臺也

臺門

御史臺記曰臺門北開取肅殺就陰之義常述唐兩京記曰

臺門北開以糾劾之司主意於殺故門北啓以象陰殺或曰俗傳開南門不利大夫譚賓錄曰或云隋初移部兵部尚書李園通兼御史大夫欲向省便故開北門唐因循不改迄今遂爲故事唐會要載裴冕語云此說若取冬煞之義本置臺司以糾正寃濫是有好生之德豈創冬殺之義以入人罪乎馮鑑以冕說爲當

栢臺

漢成帝時御史府列栢樹故人由是號栢臺

烏府

漢御史府植栢常有野烏數千棲宿其上晨去暮來號朝夕烏一旦烏不至及朱博爲大夫烏復至因號烏府亦曰烏臺九寺

漢以來九卿所治之府謂之九寺後魏始有三府九寺之稱然通其名不連官號其以官名寺自北齊始也蘇氏演義曰寺司也官有所司存釋名曰寺嗣也官曹相嗣續其中非也許慎曰寺從乂從寸寺者掌法度之所乂者手象如手持尺寸以度其典章耳

秘書省

漢藝文志曰武帝建藏書之府置寫書之官天下文籍悉在天祿石渠圖廣內秘室之書故曰秘書後漢有蘭臺東觀雖孝桓始置秘書監而不以名其省至梁始曰秘書省也唐六典曰秘書省中外三閣掌圖書古今文字皆在禁中宋朝神宗改官制易崇文院曰秘書省復唐制也

殿中省

魏置殿中監而北齊以屬門下隋大業三年分門下太僕二
局取殿內之名為殿內監唐為殿中省也

國子監

晉武帝咸寧四年初立國子學國子周舊制也北齊為國子
寺隋開皇十三年又為學煬帝即位改曰國子監

少府

秦置少府而不治府漢始有之隋煬帝大業五年始曰少府
監也

將作

秦漢有將作而不列其府北齊始有將作寺隋文帝開皇二
年改寺為監

軍器

後周武帝置

都水

漢武元鼎二年始置水衡初秦有都水丞於是水衡方有都
水帝置都水謂之都水臺隋文仁壽元年始改為監

太史局

少昊曆正曰鳳鳥氏夏曰太史隋以名謂曰太史曹煬帝改
曰監唐曰局乾元元年曰司天臺後復曰太史宋朝以來亦
曰司天臺神宗改官制復為太史局也

太醫局

周有醫師秦置太醫歷代皆置宋朝神宗又置局曉醫者一
人判局事按唐亦有太醫署而神宗創置以教生徒如學校
也

入內省

宋朝會要曰國初有內中高品班院淳化五年改曰入內班院又改入內黃門班院又改內侍省入內侍班院景德三年止入內侍省也又景德二年五月內侍省內侍班院請入內侍班院止稱入內侍省本班亦請稱內侍省也東京記曰舊有入內都知司內東門都知司至是悉併于此

內侍省

周官有巷伯寺人及內小臣之職戰國時趙有宦者令秦置中常侍漢有謁者內侍之官而不言其庶北齊始置中侍中省隋改曰內侍宋朝會要曰國初有內侍班院淳化五年改黃門院又改內侍省內侍班院景德三年止曰內侍省

進奏院

唐大曆十二年勅諸道舊置上都留侯院並官改曰上都進奏院此蓋其始也本朝會要曰唐藩鎮皆置邸京師謂之上都留侯院大曆十二年改上都知進奏院五代支郡聽自置邸國初緣舊制各置進奏院太平興國八年十月詔於大內側近置都進奏官人兼三四州也

檢院

國史纂要曰武后時投匭者或不陳事而有朝譴之言於是置使先閱其書奏然後投之匭院有司自此始也宋朝會要曰唐歷雍熙元年改為檢太平興國九年七月改匭院為登聞院至道五年或稱檢院景德四年五月詔改登聞檢院東京記曰唐置匭興國九年改匭為檢院曰登聞

鼓院

宋國朝會要曰鼓院舊曰鼓司景德四年五月九日詔改爲登聞鼓院

軍頭司

又曰國初但曰軍頭引見司後如御前忠佐之名又曰端拱二年改軍頭司曰御前忠佐軍頭司引見司曰御前忠佐引見司

二月二十七日共息庵夜譚偶尔弄筆遂竟此卷

清泉逸史記

事物紀原集類卷第六